

REGLUGERÐ FRAMKVÆMDASTJÓRNARINNAR (ESB) nr. 969/2014**2015/EES/23/20**

frá 12. september 2014

um breytingu á II. viðauka við reglugerð Evrópuþingsins og ráðsins (EB) nr. 1333/2008 að því er varðar notkun á kalsíumaskorbatí (E 302) og natríumalgínatí (E 401) í tiltekin óunnin aldin og grænmeti (*)

FRAMKVÆMDASTJÓRN EVRÓPUSAMBANDSINS HEFUR,

með hliðsjón af sáttmálanum um starfshætti Evrópusambandsins,

með hliðsjón af reglugerð Evrópuþingsins og ráðsins (EB) nr.1333/2008 frá 16. desember 2008 um aukefni í matvælum ⁽¹⁾, einkum 3. mgr. 10. gr.,*og að teknu tilliti til eftirfarandi:*

- 1) Í II. viðauka við reglugerð (EB) nr. 1333/2008 er sett fram skrá Evrópusambandsins yfir matvælaaukefni sem samþykkt hafa verið til notkunar í matvæli og skilyrði fyrir notkun þeirra.
- 2) Uppfæra má skrá Evrópusambandsins yfir matvælaaukefni í samræmi við sameiginlegu málsmeðferðina sem um getur í 1. mgr. 3. gr. reglugerðar Evrópuþingsins og ráðsins (EB) nr. 1331/2008 ⁽²⁾, annaðhvort að frumkvæði framkvæmdastjórnarinnar eða í kjölfar umsóknar.
- 3) Umsókn um leyfi til að nota kalsíumaskorbat (E 302) og natríumalgínat (E 401) sem húðunarefni á tiltekin forpökkuð, kæld, óunnin aldin og grænmeti, tilbúin til neyslu, var lögð fram 12. nóvember 2012 og gerð aðgengileg fyrir aðildarríkin skv. 4. gr. reglugerðar (EB) nr. 1331/2008.
- 4) Vaxandi eftirspurn er eftir nýskornum aldinum og grænmeti, einkum vegna hentugleika þeirra sem vara sem eru tilbúnar til átu sem og heilsufarslega ávinningsins sem tengist neyslu þeirra.
- 5) Forpökkuð, kæld, óunnin aldin og grænmeti, tilbúin til neyslu eru fersk aldin og grænmeti sem eru þvegin áður en þau eru afhýdd og/eða skorin og/eða stilkurinn er fjarlægður, pakkað og haldið köldum með kælingu. Sumir hlutar aldina og grænmetis eru viðkvæmir fyrir skemmdum þegar þeir komast í snertingu við súrefni eða ljós, þetta gerist við afhýðingu og/eða skurð og/eða ef stilkur þeirra er fjarlægður. Sár á vefjum aldina og grænmetis leiða til margvíslegra lífeðlisfræðilegra breytinga, s.s. oxunar, brúnunar o.s.frv., sem dregur úr næringarfræðilegum gæðum þessara matvæla og verður að lágmarka.
- 6) Af tæknilegum ástæðum er þörf á að nota kalsíumaskorbat (E 302) og natríumalgínat (E 401) í tiltekin forpökkuð, kæld, óunnin aldin og grænmeti, tilbúin til neyslu. Þessi aukefni eru notuð í samsetningu til að mynda ætt hlaup sem er síðan borið á yfirborð aldina og grænmetis og myndar þannig þunna varnarhúð sem vinnur sem áþreifanlegur tálmí gegn súrefni og raka, dregur úr yfirborðþurrki og því að safi seytli úr þessum aldinum og grænmeti. Með því er dregið úr lífeðlisfræðilegum niðurbrotshvörfum og þannig stuðlað að viðhaldi næringarfræðilegra gæða aldinanna og grænmetisins. Hlaupið verður því til þess að geymsluþol þessara aldina og grænmetis verður betra og lengra.
- 7) Notkun á kalsíumaskorbatí (E 302) og natríumalgínatí (E 401) sem húðunarefni myndi stuðla að því að auka geymsluþol forpakkaðra, kældra, óunninna aldina og grænmetis, tilbúnum til neyslu, á geymsluþolstíma þeirra og auðvelda þar með framboð á nýskornum aldinum og grænmeti, tilbúnum til neyslu, og stuðla að auknum markaðsaðgangi að þeim.
- 8) Kalsíumaskorbat (E 302) og natríumalgínat (E 401) tilheyra flokki aukefna sem ásættanleg, dagleg inntaka hefur ekki verið tilgreind fyrir ⁽³⁾. Það bendir til þess að efnin skapi ekki hættu fyrir heilbrigði í því magni sem nauðsynlegt er til að ná fram tilætluðum tæknilegum áhrifum.

(*) Þessi ESB-gerð birtist í Stjtið. ESB L 272, 13.9.2014, bls. 8. Hennar var getið í ákvörðun sameiginlegu EES-nefndarinnar nr. 45/2015 frá 20. mars 2015 um breytingu á II. viðauka (Tæknilegar reglugerðir, staðlar, prófanir og vottun) við EES-samninginn, biður birtingar.

(1) Stjtið. ESB L 354, 31.12.2008, bls. 16.

(2) Reglugerð Evrópuþingsins og ráðsins (EB) nr. 1331/2008 frá 16. desember 2008 um sameiginlega málsmeðferð við leyfisveitingu fyrir aukefni í matvælum, ensím í matvælum og bragðefni í matvælum (Stjtið. ESB L 354, 31.12.2008, bls. 1).

(3) Skýrsla nefndarinnar um inntöku matvælaaukefna með fæðu í Evrópusambandinu, COM(2001) 542, lokagerð.

- 9) Samkvæmt 2. mgr. 3. gr. reglugerðar (EB) nr. 1331/2008 skal framkvæmdastjórnin leita álits Matvælaöryggisstofnunar Evrópu áður en hún uppfærir skrá Evrópusambandsins yfir matvælaaukefni, sem sett er fram í II. viðauka við reglugerð (EB) nr. 1333/2008, nema þegar ólíklegt er að uppfærslan sem um er að ræða hafi áhrif á heilbrigði manna. Þar eð leyfi fyrir notkun á kalsíumskorbati (E 302) og natríumalgínati (E 401) sem húðunarefni á forpökkuð, kæld, óunnin aldin og grænmeti, tilbúin til neyslu, telst uppfærsla á fyrrnefndri skrá, sem ólíklegt er að hafi áhrif á heilbrigði manna, er ekki nauðsynlegt að leita álits Matvælaöryggisstofnunar Evrópu.
- 10) Samkvæmt II. viðauka við reglugerð (EB) nr. 1333/2008 er notkun á kalsíumskorbati (E 302) nú þegar leyfð fyrir „Einungis forpökkuð, kæld, óunnin aldin og grænmeti, tilbúin til neyslu, og forpakkaðar óunnar og flysjaðar kartöflur“ sem falla undir matvælaflokkinn 04.1.2 „Skræld, skorin og rifin aldin og grænmeti“.
- 11) Því þykir rétt að leyfa notkun á natríumalgínati (E 401) sem húðunarefni í matvælaflokknum 04.1.2 „Skræld, skorin og rifin aldin og grænmeti“ í II. viðauka við reglugerð (EB) nr. 1333/2008, við hámarksgildið 2400 mg/kg, og einungis í samsetningu með kalsíumskorbati (E 302) við hámarksgildið 800 mg/kg til að mynda ætt hlaup.
- 12) Því ber að breyta II. viðauka við reglugerð (EB) nr. 1333/2008 til samræmis við fyrrnefnd atriði.
- 13) Ráðstafanirnar, sem kveðið er á um í þessari reglugerð, eru í samræmi við álit fastanefndarinnar um matvælaferlið og heilbrigði dýra.

SAMÞYKKT REGLUGERÐ ÞESSA:

1. gr.

Ákvæðum II. viðauka við reglugerð (EB) nr. 1333/2008 er breytt í samræmi við viðaukann við þessa reglugerð.

2. gr.

Reglugerð þessi öðlast gildi á tuttugasta degi eftir að hún birtist í *Stjórnartíðindum Evrópusambandsins*.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 12. september 2014.

Fyrir hönd framkvæmdastjórnarinnar,

José Manuel BARROSO

forseti.

VIÐAUKI

Í E-hluta II. viðauka við reglugerð (EB) nr. 1333/2008 bætist eftirfarandi færsla við í matvælaflökki 04.1.2. „Skræld, skorin og rifin aldin og grænmeti“ á eftir færslunni fyrir matvælaaukefnið E 333:

„E 401	Natriumalginat	2400	(82)	einungis forþökkuð, kæld, óunnin aldin og grænmeti, tilbúin til neyslu, sem eru seld til lokaneytenda
(82): Má einungis nota í samsetningu með E 302 sem húðunarefni og með hámarksgildið 800 mg/kg fyrir E 302 í endanlegu matvæluunum.“				

REGLUGERÐ FRAMKVÆMDASTJÓRNARINNAR (ESB) nr. 1084/2014**2015/EES/23/21****frá 15. október 2014****um breytingu á II. viðauka við reglugerð Evrópuþingsins og ráðsins (EB) nr. 1333/2008 að því er varðar notkun á dífosfötum (E 450) sem lyftiefni og sýrustilli í tilbúin gerdeig (*)**

FRAMKVÆMDASTJÓRN EVRÓPUSAMBANDSINS HEFUR,

með hliðsjón af sáttmálanum um starfshætti Evrópusambandsins,

með hliðsjón af reglugerð Evrópuþingsins og ráðsins (EB) nr.1333/2008 frá 16. desember 2008 um aukefni í matvælum⁽¹⁾, einkum 3. mgr. 10. gr.,*og að teknu tilliti til eftirfarandi:*

- 1) Í II. viðauka við reglugerð (EB) nr. 1333/2008 er sett fram skrá Evrópusambandsins yfir matvælaaukefni sem samþykkt hafa verið til notkunar í matvæli og skilyrði fyrir notkun þeirra.
- 2) Uppfæra má skrá Evrópusambandsins yfir matvælaaukefni í samræmi við sameiginlegu málsmeðferðina sem um getur í 1. mgr. 3. gr. reglugerðar Evrópuþingsins og ráðsins (EB) nr. 1331/2008 ⁽²⁾, annaðhvort að frumkvæði framkvæmdastjórnarinnar eða í kjölfar umsóknar.
- 3) Umsókn um leyfi fyrir notkun á dífosfötum (E 450), sem lyftiefni og sýrustilli í tilbúin gerdeig, var lögð fram 7. júlí 2013 og gerð aðgengileg fyrir aðildarríkin.
- 4) Að því er varðar fersk deig, sem eru notuð sem grunnur í tilreiðslu á flatbökuðum, bökuðum, ávaxtabökuðum og svipuðum vörum, þarf að notast við aðferð til lyftingar sem grundvallast á natríumbíkarbónati (E 500), dífosfötum (E 450) og geri. Þessi deig ættu ekki að lyfta sér við kældar aðstæður heldur ætti neytandinn að koma lyftingunni af stað við lokatilreiðslu. Lyftingin verður einkum fyrir tilstilli natríumbíkarbónats en ger með litla virkni til lyftingar er einkum nauðsynlegt til að framkalla einkennandi sterkan keim. Dífosföt eru nauðsynleg sem sýrustillar í því skyni að stjórna myndun koltvísýrings úr natríumbíkarbónatinu.
- 5) Hægt er að nota slíka aðferð til lyftingar, sem grundvallast á natríumbíkarbónati, dífosfötum og geri, sem valkost í staðinn fyrir að nota sjálflyftandi hveiti þar sem meira magn fosfata er leyfilegt. Leyfi fyrir notkun á dífosfötum í tilbúnu gerdeigi mun því ekki leiða til aukningar á innteknu magni af fosfötum. Því er rétt að heimila notkun á dífosfötum sem lyftiefni og sýrustilli í gerdeig sem eru notuð sem grunnur í flatbökuðum, bökuðum, ávaxtabökuðum og svipaðar vörur.
- 6) Samkvæmt 2. mgr. 3. gr. reglugerðar (EB) nr. 1331/2008 skal framkvæmdastjórnin leita áhlits Matvælaöryggisstofnunar Evrópu áður en hún uppfærir skrá Evrópusambandsins yfir matvælaaukefni, sem sett er fram í II. viðauka við reglugerð (EB) nr. 1333/2008, nema þegar ólíklegt er að uppfærslan, sem um er að ræða, hafi áhrif á heilbrigði manna. Þar eð leyfi fyrir notkun á dífosfötum sem sýrustilli í gerdeig, sem eru notuð sem grunnur í flatbökuðum, bökuðum, ávaxtabökuðum og svipaðar vörur, er ekki talið hafa áhættu í för með sér er ekki nauðsynlegt að leita áhlits Matvælaöryggisstofnunar Evrópu.
- 7) Því ber að breyta II. viðauka við reglugerð (EB) nr. 1333/2008 til samræmis við það.
- 8) Ráðstafanirnar, sem kveðið er á um í þessari reglugerð, eru í samræmi við álit fastanefndarinnar um plöntur, dýr, matvæli og fóður.

(*) Þessi ESB-gerð birtist í Stjtið. ESB L 298, 16.10.2014, bls. 8. Hennar var getið í ákvörðun sameiginlegu EES-nefndarinnar nr. 46/2015 frá 20. mars 2015 um breytingu á II. viðauka (Tæknilegar reglugerðir, staðlar, prófanir og vottun) við EES-samninginn, bíður birtingar.

⁽¹⁾ Stjtið. ESB L 354, 31.12.2008, bls. 16.

⁽²⁾ Reglugerð Evrópuþingsins og ráðsins (EB) nr. 1331/2008 frá 16. desember 2008 um sameiginlega málsmeðferð við leyfisveitingu fyrir aukefni í matvælum, ensím í matvælum og bragðefni í matvælum (Stjtið. ESB L 354, 31.12.2008, bls. 1).

SAMÞYKKT REGLUGERÐ ÞESSA:

1. gr.

Ákvæðum II. viðauka við reglugerð (EB) nr. 1333/2008 er breytt í samræmi við viðaukann við þessa reglugerð.

2. gr.

Reglugerð þessi öðlast gildi á tuttugasta degi eftir að hún birtist í *Stjórnartíðindum Evrópusambandsins*.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 15. október 2014.

Fyrir hönd framkvæmdastjórnarinnar,

José Manuel BARROSO

forseti.

VIÐAUKI

Í E hluta II. viðauka við reglugerð (EB) nr. 1333/2008 bætist eftirfarandi færsla við í flokki 07.1 „Brauð og smábrauð“ á eftir færslunni fyrir matvælaaukefni E 338–452:

	,E 450	Dífosföt	12 000	(4)	Einungis kæld, forpökkuð gerdeig, notuð sem grunnur í flatbökur, bökur, ávaxtabökur og svípaðar vörur*
--	--------	----------	--------	-----	--

REGLUGERÐ FRAMKVÆMDASTJÓRNARINNAR (ESB) nr. 1092/2014**2015/EES/23/22**

frá 16. október 2014

um breytingu á II. viðauka við reglugerð Evrópuþingsins og ráðsins (EB) nr. 1333/2008 að því er varðar notkun sætuefna í tiltekið smurálegg úr aldinum eða grænmeti (*)

FRAMKVÆMDASTJÓRN EVRÓPUSAMBANDSINS HEFUR,

með hliðsjón af sáttmálanum um starfshætti Evrópusambandsins,

með hliðsjón af reglugerð Evrópuþingsins og ráðsins (EB) nr.1333/2008 frá 16. desember 2008 um aukefni í matvælum ⁽¹⁾, einkum 3. mgr. 10. gr.,*og að teknu tilliti til eftirfarandi:*

- 1) Í II. viðauka við reglugerð (EB) nr. 1333/2008 er sett fram skrá Evrópusambandsins yfir matvælaaukefni sem samþykkt hafa verið til notkunar í matvæli og skilyrði fyrir notkun þeirra.
- 2) Uppfæra má skrá Evrópusambandsins yfir matvælaaukefni í samræmi við sameiginlegu málsmeðferðina sem um getur í 1. mgr. 3. gr. reglugerðar Evrópuþingsins og ráðsins (EB) nr. 1331/2008 ⁽²⁾, annaðhvort að frumkvæði framkvæmdastjórnarinnar eða í kjölfar umsóknar.
- 3) Umsókn um leyfi fyrir notkun á sætuefni í allar vörur í matvælaundirflokknum 04.2.5.3. „Annað sambærilegt smurálegg úr aldinum eða grænmeti“ í II. viðauka við reglugerð (EB) nr. 1333/2008 var lögð fram 24. apríl 2014. Undir þennan flokk fellur smurálegg úr aldinum eða grænmeti sem er svipað og sulta, hlaup og mauk eins og skilgreint er í tilskipun ráðsins 2001/113/EB ⁽³⁾. Umsóknin var síðan gerð aðgengileg fyrir aðildarríkin skv. 4. gr. reglugerðar (EB) nr. 1331/2008.
- 4) Í tilskipun ráðsins 2001/113/EB er að finna lýsingu og skilgreiningu á sultu, hlaupi og mauki. Smurálegg úr aldinum eða grænmeti, sem er svipað og sulta, hlaup og mauk, sem fellur undir matvælaundirflokkinn 04.2.5.3, getur innihaldið önnur innihaldsefni en þau sem skráð eru í II. viðauka við tilskipun 2001/113/EB (t.d. vítamín, steinefni og bragðefni).
- 5) Í II. viðauka við reglugerð (EB) nr. 1333/2008 er leyfð notkun á sætuefnunum aspartami (E 951), neótami (E 961) og aspartam- og asesúlfamsalti (E 962) í orkuskerta sultu, hlaup og mauk sem og í annað svipað smurálegg úr aldinum á borð við smurálegg úr aldinum, sem er orkuskert eða án viðbættis sykurs, að stofni til úr þurrkuðum aldinum.
- 6) Rýmkun á notkun þessara sætuefna til að hún nái yfir allt annað svipað orkuskert smurálegg úr aldinum eða grænmeti mun gera það kleift að nota þau á svipaðan hátt og í orkuskertri sultu, hlaupi og mauki.
- 7) Þar eð smurálegg úr aldinum eða grænmeti er notað sem annar valkostur í stað sultu, hlaups og mauks mun notkun sætuefnis í smurálegginn ekki leiða til aukinna váhrifa á neytandann og skapar því ekki öryggisvanda.
- 8) Samkvæmt 2. mgr. 3. gr. reglugerðar (EB) nr. 1331/2008 skal framkvæmdastjórnin leita álits Matvælaöryggisstofnunar Evrópu áður en hún uppfærir skrá Evrópusambandsins yfir matvælaaukefni, sem sett er fram í II. viðauka við reglugerð (EB) nr. 1333/2008, nema þegar ólíklegt er að slík uppfærsla hafi áhrif á heilbrigði manna. Þar eð rýmkun á notkun á aspartami (E 951), neótami (E 961) og aspartam- og asesúlfamsalti (E 962) til að hún nái yfir allt annað svipað orkuskert smurálegg úr aldinum eða grænmeti telst vera uppfærsla á þeirri skrá, sem ólíklegt er talið að hafi áhrif á heilbrigði manna, er ekki nauðsynlegt að leita álits Matvælaöryggisstofnunar Evrópu.
- 9) Því ber að breyta II. viðauka við reglugerð (EB) nr. 1333/2008 til samræmis við það.
- 10) Ráðstafanirnar, sem kveðið er á um í þessari reglugerð, eru í samræmi við álit fastanefndarinnar um plöntur, dýr, matvæli og fæður.

(*) Þessi ESB-gerð birtist í Stjtið. ESB L 299, 17.10.2014, bls. 19. Hennar var getið í ákvörðun sameiginlegu EES-nefndarinnar nr. 46/2015 frá 20. mars 2015 um breytingu á II. viðauka (Tæknilegar reglugerðir, staðlar, prófanir og vottun) við EES-samninginn, biður birtingar.

⁽¹⁾ Stjtið. ESB L 354, 31.12.2008, bls. 16.

⁽²⁾ Reglugerð Evrópuþingsins og ráðsins (EB) nr. 1331/2008 frá 16. desember 2008 um sameiginlega málsmeðferð við leyfisveitingu fyrir aukefni í matvælum, ensím í matvælum og bragðefni í matvælum (Stjtið. ESB L 354, 31.12.2008, bls. 1).

⁽³⁾ Tilskipun ráðsins 2001/113/EB frá 20. desember 2001 varðandi aldinsultu, ávaxtahlaup og -mauk og kastaníuhnetumauk með sætuefni til manneldis (Stjtið. EB L 10, 12.1.2002, bls. 67).

SAMÞYKKT REGLUGERÐ ÞESSA:

1. gr.

Ákvæðum II. viðauka við reglugerð (EB) nr. 1333/2008 er breytt í samræmi við viðaukann við þessa reglugerð.

2. gr.

Reglugerð þessi öðlast gildi á tuttugasta degi eftir að hún birtist í *Stjórnartíðindum Evrópusambandsins*.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 16. október 2014.

Fyrir hönd framkvæmdastjórnarinnar,

José Manuel BARROSO

forseti.

VIÐAUKI

Í stað færslanna fyrir E 951, E 961 og E 962 í E-hluta II. viðauka við reglugerð (EB) nr. 1333/2008, í matvælaundirflokknum 04.2.5.3 Annað sambærilegt smurálegg úr aldinum eða grænmeti komi efurfarandi:

E 951	Aspartam	1 000	Einungis orkuskert smurálegg úr aldinum eða grænmeti og brauðálegg, að stofni til úr þurrkuðum aldinum, orkuskert eða án viðbættis sykurs
E 961	Neótam	32	Einungis orkuskert smurálegg úr aldinum eða grænmeti og brauðálegg, að stofni til úr þurrkuðum aldinum, orkuskert eða án viðbættis sykurs
E 962	Aspartam- og asesúlfamsalt	1 000	Einungis orkuskert smurálegg úr aldinum eða grænmeti og brauðálegg, að stofni til úr þurrkuðum aldinum, orkuskert eða án viðbættis sykurs <input type="checkbox"/>

REGLUGERÐ FRAMKVÆMDASTJÓRNARINNAR (ESB) nr. 1093/2014

2015/EES/23/23

frá 16. október 2014

um breytingu og leiðréttingu á II. viðauka við reglugerð Evrópuþingsins og ráðsins (EB) nr. 1333/2008 að því er varðar notkun tiltekinna litarefna í bragðbættan, þroskaðan ost (*)

FRAMKVÆMDASTJÓRN EVRÓPUSAMBANDSINS
HEFUR,

með hliðsjón af sáttmálanum um starfshætti Evrópusambandsins,

með hliðsjón af reglugerð Evrópuþingsins og ráðsins (EB) nr. 1333/2008 frá 16. desember 2008 um aukefni í matvælum⁽¹⁾, einkum 3. mgr. 10. gr.,

og að teknu tilliti til eftirfarandi:

- 1) Í II. viðauka við reglugerð (EB) nr. 1333/2008 er sett fram skrá Evrópusambandsins yfir matvælaaukefni sem samþykkt hafa verið til notkunar í matvæli og skilyrði fyrir notkun þeirra.
- 2) Uppfæra má skrá Evrópusambandsins yfir matvælaaukefni í samræmi við sameiginlegu málsmeðferðina sem um getur í 1. mgr. 3. gr. reglugerðar Evrópuþingsins og ráðsins (EB) nr. 1331/2008⁽²⁾, annaðhvort að frumkvæði framkvæmdastjórnarinnar eða í kjölfar umsóknar.
- 3) Skrá Evrópusambandsins yfir aukefni í matvælum var tekin saman á grundvelli matvælaaukefna, sem voru leyfð til notkunar í matvæli í samræmi við tilskipun Evrópuþingsins og ráðsins 94/35/EB⁽³⁾, tilskipun Evrópuþingsins og ráðsins 94/36/EB⁽⁴⁾ og tilskipun Evrópuþingsins og ráðsins 95/2/EB⁽⁵⁾, og eftir yfirferð á því hvort þau samræmdust 6., 7. og 8. gr. reglugerðar (EB) nr. 1333/2008. Skrá Evrópusambandsins inniheldur matvælaaukefni á grundvelli þeirra flokka matvæla sem heimilt er að bæta þeim í.
- 4) Vegna erfiðleika sem upp hafa komið við færslu matvælaaukefna í nýja flokkunarkerfið, sem kveðið er á um í II. viðauka við reglugerð (EB) nr. 1333/2008, var notkun á matvælaaukefnum, sem eru leyfð í tiltekin matvæli, undanskilin úr þeirri skrá vegna þess að á þeim tíma voru engar upplýsingar lagðar fram að því er varðar notkun og þörf fyrir að nota matvælaaukefni í bragðbættan, þroskaðan ost, s.s. grænan og rauðan ost með pestói, ost með wasabi og grænsprengdan ost með jurtum (e. *green marbled herb cheese*).

(*) Þessi ESB-gerð birtist í Stjtið. ESB L 299, 17.10.2014, bls. 22. Hennar var getið í ákvörðun sameiginlegu EES-nefndarinnar nr. 46/2015 frá 20. mars 2015 um breytingu á II. viðauka (Tæknilegar reglugerðir, staðlar, prófanir og vottun) við EES-samninginn, biður birtingar.

(¹) Stjtið. ESB L 354, 31.12.2008, bls. 16.

(²) Reglugerð Evrópuþingsins og ráðsins (EB) nr. 1331/2008 frá 16. desember 2008 um sameiginlega málsmeðferð við leyfisveitingu fyrir aukefni í matvælum, ensím í matvælum og bragðefni í matvælum (Stjtið. ESB L 354, 31.12.2008, bls. 1).

(³) Tilskipun Evrópuþingsins og ráðsins 94/35/EB frá 30. júní 1994 um sætuefni til notkunar í matvælum (Stjtið. EB L 237, 10.9.1994, bls. 3).

(⁴) Tilskipun Evrópuþingsins og ráðsins 94/36/EB frá 30. júní 1994 um litarefni til notkunar í matvælum (Stjtið. EB L 237, 10.9.1994, bls. 13).

(⁵) Tilskipun Evrópuþingsins og ráðsins nr. 95/2/EB frá 20. febrúar 1995 um aukefni í matvælum önnur en litarefni og sætuefni (Stjtið. EB L 61, 18.3.1995, bls. 1).

- 5) Hinn 2. apríl 2013 var lögð fram umsókn um leiðréttingu á skrá Sambandsins til að halda áfram notkun á klórófýll- og klórófýllinkoparflokkum (E 141) og paprikukjarna, kapsantíni, kapsórúbíni (E 160c) og um leyfi fyrir notkun á kókíníli, karmínsýru, karmínnum (E 120) og annattói, bixíni, norbixíni (E 160b) í tiltekna bragðbætta, þroskaða osta og var gerð aðgengileg aðildarríkjunum skv. 4. gr. reglugerðar (EB) nr. 1331/2008.
- 6) Kókíníli, karmínsýra, karmín (E 120) og annattó, bixín, norbixín (E 160b) eru sem stendur samþykkt til notkunar í tiltekna þroskaða osta. Sömu tæknilegu ástæður voru einnig tilgreindar fyrir notkun á kókíníli, karmínsýru, karmíni (E 120) í rauðan ost með pestói og annattói, bixíni, norbixíni (E 160b) í rauðan og grænan ost með pestói.
- 7) Í núgildandi samþykki fyrir notkun á kókíníli, karmínsýru, karmíni (E 120) og annattói, bixíni, norbixíni (E 160b) er tekið tillit til ásættanlegrar, daglegrar inntöku sem vísindanefndin um matvæli innleiddi, annars vegar 1983 og hins vegar 1979.
- 8) Rauðir og grænir ostar með pestói eru lítill hluti af heildarostamarkaðnum. Ekki er búist við að leyfi fyrir notkun á kókíníli, karmínsýru, karmínnum (E 120) í rauðan ost með pestói og annattói, bixíni, norbixíni (E 160) í rauðan og grænan ost með pestói muni hafa marktæk áhrif á heildarváhrif af völdum beggja litarefna.
- 9) Samkvæmt 2. mgr. 3. gr. reglugerðar (EB) nr. 1331/2008 skal framkvæmdastjórnin leita álits Matvælaöryggisstofnunar Evrópu áður en hún uppfærir skrá Evrópusambandsins yfir matvælaaukefni, sem sett er fram í II. viðauka við reglugerð (EB) nr. 1333/2008, nema þegar ólíklegt er að slík uppfærsla hafi áhrif á heilbrigði manna. Þar eð rýmkuð notkun á kókíníli, karmínsýru, karmínnum (E 120) í rauðan ost með pestói og annattói, bixíni, norbixíni (E 160b) í rauðan og grænan ost með pestói telst uppfærsla á þeirri skrá, sem ólíklegt er að hafi áhrif á heilbrigði manna, er ekki nauðsynlegt að leita álits Matvælaöryggisstofnunar Evrópu.
- 10) Því ber að leiðrétta og breyta II. viðauka við reglugerð (EB) nr. 1333/2008 til samræmis við það.
- 11) Ráðstafanirnar, sem kveðið er á um í þessari reglugerð, eru í samræmi við álit fastanefndarinnar um plöntur, dýr, matvæli og föður.

SAMÞYKKT REGLUGERÐ ÞESSA:

I. gr.

Ákvæðum II. viðauka við reglugerð (EB) nr. 1333/2008 er breytt í samræmi við viðaukann við þessa reglugerð.

2. gr.

Reglugerð þessi öðlast gildi á tuttugasta degi eftir að hún birtist í *Stjórnartíðindum Evrópusambandsins*.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 16. október 2014.

Fyrir hönd framkvæmdastjórnarinnar,

José Manuel BARROSO

forseti.

VIÐAUKI

Í E-hluta II. viðauka við reglugerð (EB) nr. 1333/2008, er matvælaflokknum 1.7.2 „Þroskaður ostur“ breytt sem hér segir:

1) Í stað færslunnar fyrir E 120 komi eftirfarandi:

„E 120	Kókíníl, karmínsýra, karmín	125	(83)	Einungis rauðsprengdur ostur og rauður ostur með pestói“
--------	-----------------------------	-----	------	--

2) Í stað færslunnar fyrir E 141 komi eftirfarandi:

„E 141	Klórófýll- og klórófýllinkoparflókar	<i>eftir þörfum</i>		Einungis Sage Derby-ostur, grænn og rauður ostur með pestói, ostur með wasabi og grænsprengdur ostur með jurtum“
--------	--------------------------------------	---------------------	--	--

3) Í stað fyrstu færslunnar fyrir E 160b, sem tilgreinir hámarksgildið 15 mg/l eða mg/kg, komi eftirfarandi:

„E 160b	Annattó, bixín, norbixín	15		Einungis þroskaður, appelsínugulur, gulur og hvítur ostur og rauður og grænn ostur með pestói“
---------	--------------------------	----	--	--

4) Í stað færslunnar fyrir E 160c komi eftirfarandi:

„E 160c	Paprikukjarni, kapsantín, kapsórúbín	<i>eftir þörfum</i>		Einungis þroskaður, appelsínugulur, gulur og hvítur ostur og rauður ostur með pestói“
---------	--------------------------------------	---------------------	--	---